

（欽定）廓爾喀紀畧

卷四十二

(欽定)廣輿記

卷之四

欽定廓爾喀紀畧卷四十二

九月十六日

壬子

福康安海蘭察惠齡奏言竊

臣

等秉承

廟算統率勁兵自擦木進剿以來連戰克捷邊界肅
清奪據熱索橋深入賊境如協布魯東覺博爾
東拉噶勒拉堆補木帕朗古等處皆係峭壁懸
崖大河急溜我兵繞山涉水間道出奇將賊匪

所設碉卡木城處處攻克仰仗

天威得以痛殲賊衆所向無前賊匪敗衄奔逃心驚

膽落于大兵進至雍鴉時送出上年被裹兵丁

王剛等具稟乞降旋遣賊目噶布黨普都爾幫

哩等迎赴軍前將上年被裹之噶布倫丹津班

珠爾等兵丁盧獻麟等全行送出稟陳被沙瑪

爾巴唆使情形悔罪哀懇經

臣

等嚴加駁飭復

行進兵及攻至帕朗古移營進逼賊匪益加震
恐所有沙瑪爾巴眷屬徒弟什物等項及搶掠
扎什倫布銀兩物件皆已遵檄呈交並將上次
私立合同二張繳出不敢復提西藏給銀之事
再三具稟懇求

聖主逾格施恩赦宥前罪以全闔部落番民之命茲
于八月初八日遣辦事大頭目噶箕第烏達特

金匱要略卷之四十一
塔巴蘇巴巴爾底曼喇納甲察布拉咱音達薩
野喀爾達爾巴拉巴達爾等四名恭賀

表文進京並虔脩樂工馴象番馬孔雀甲噶爾所
製番轎珠佩珊瑚串金銀絲緞金花緞氍呢象
牙犀角孔雀尾鎗刀藥材等共二十九種隨表
呈

進另稟懇請
臣等代

奏譯出表文閱看詞意極爲恭順懇至並據第烏
達特塔巴等伏地哀懇叩頭乞命至于泣下跪
稱廓爾喀部長拉特納巴都爾部長之叔巴都
爾薩野本係邊外微末番人曾歸

王化渥受

大皇帝天恩

特加封爵

金史卷一百一十五
錫賚多珍

高厚恩慈至今頂感乃拉特納巴都爾年幼無知巴
都爾薩野罔識

天朝法度因沙瑪爾巴從中簸弄唆使廓爾喀與唐
古忒藉端滋事拉特納巴都爾等輕聽其言侵
犯後藏仰煩

大皇帝特發

天兵遠來征討誅戮頭目人衆三四千人攻得地方

七八百里

天威震疊兵力精強廓爾喀實屬膽落心驚不能抵
敵拉特納巴都爾及巴都爾薩野自知罪在不
赦惶懼尤深所有從前侵犯藏界之事固由沙
瑪爾巴教唆而拉特納巴都爾等被其煽惑卽
係身犯重罪不敢絲毫置辯惟有懇求轉奏

大皇帝大沛恩施開一線之路如蒙

允准免其誅滅廓爾喀闔部落地土人民皆出

大皇帝所賜銜感

恩施保守境土不敢再行滋事從前私立合同內混
行開寫各條萬不敢復提一字今廓爾喀服屬

天朝本應年年納

貢但道路過于遙遠每至五年卽差辦事噶箕一

名

朝貢一次仰瞻

大皇帝天顏永爲

天朝屬下子子孫孫遵奉約束懇求大將軍據情轉

奏等語_臣等隨諭以拉特納巴都爾巴都爾薩野

自速誅鋤侵擾藏地大兵已至此地本應卽將

爾部落剿滅噍類無遺今拉特納巴都爾等敬

金定厚存明紀略 卷四十一
五
凜

大皇帝天威萬分悔懼屢次哀懇投降先遣爾等恭
賁

表貢入京知感知畏情詞尙屬恭順敬惟

大皇帝撫馭萬方

恩威遠播討逆舍順罔不畏懷拉特納巴都爾等旣
再四乞哀具稟誠懇本大將軍不敢壅于上

聞當將拉特納巴都爾等恭順忱悃據實具奏

大皇帝如天好生或可仰蒙

鑒察宥罪

施恩亦未可定今暫將各兵撤回倘荷

聖慈允准從此爾部落惟當遵奉

天朝法度不得復滋事端方可永受

大皇帝天恩保守境土此次

天兵威力爾已深知若稍不安靜守法卽是自取滅亡後悔無及該頭目跪聆之下戰慄叩頭感懼

形於辭色

臣

等伏思廓爾喀賊匪恃其險遠妄

自構釁上次滋擾藏界時並未示以兵威賊匪

無所畏懼且以內地距該部落遼遠道路險峻

未必卽能發兵征剿是以投誠甫及兩年又有

反覆此次興師問罪仰承

聖主指授機宜

恩加鼓勵官兵等爭先用命無不倍加感奮以少擊
衆越險摧堅兵到之處屢戰屢勝大半殲擒賊
匪在西番各部落中素稱强悍從未如此敗衄
今見

天朝兵力精強所向無敵全部震聳實足以大示創
懲節次遣大頭人來營乞降察看情辭尙屬出

於誠惓伏查前奉

諭旨令_臣等酌量情形或前抵賊境打仗得勝數次

賊匪心懷惓伏差人投遞稟帖悔罪乞哀或可

申明約束俯允所請納欵班師仰見我

皇上廟算精詳幾先

指示

義正仁育

威德覃敷^臣等實深欽服今賊匪業已切實認罪悔

懼投誠遣大頭人恭進

表文請於象馬方物之外虔備樂工使覘離僭佞
之樂隸於太常附各國樂舞之末並懇定立

貢期遣使五年

朝貢一次察看賊情實係傾心向化不敢復行滋

事衛藏全境似可永底敕寧